



**Selasa, 26 Oktober 2021**  
**Ogen: Masmur 37: 23-24**



*Ikawali ras itegu Tuhan*



**I**suratkan i bas buku Andar Ismail alu judul selamat berhikmat, salah sada sub judulna eme kawan sejati saat pandemi. Masa pandemi bagenda eme masa kesusahan, sabap corona engkenai kerina doni enda. Kalak si jadi korban seh kal buena. Manusia nterem i bas kepaniken, lit ka si terpapar covid dengen tetap bertahan guna nggeluh. La ngenen ise jelmana, kai jabatenna banci ikenai virus enda. Doni enda paksana ngalaken musuh si la teridah. Aru ate, kebiaren jadi i bas masa-masa sulit bagenda.

“Apabila ia jatuh tak sampai tergeletak, sabap Tuhan menopang tangannya.....” teks na erpalasken oratenta sendah. Meriah kal ngendeken syair ende-enden enda. Mahanca kita tole ngangkai maka kegeluhenta kalak si erkiniteken i bas doni enda labo mulus kerina. Kegelhenta selaku kalak si tek man Dibata lit i bas perbeben la obahna ras kerina manusia si nggeluh i doni enda. Mekatep kita ndabuh ku bas perbahanen-perbahanen si la ngena ate Dibata. Tapi, bedana kita ras kalak si la erkiniteken, kita lanai erndekah-ndekah i bas keguluten ukur, kita mis nge “keke” guna tole erlajar dengen arah perbeben e ipegegehi kinitekenta.

Pemasmur Daud naksiken melala perben si ialakenna amin gia ia selaku kalak si erkemalangen man Tuhan, ipercayaken ngerajai Bangsa Israel jadi raja si sukses. Tapi la kurang tantangan nggeluh si banci erbanca ia “ndabuh”. Emaka isuratkenna masmur enda guna mpegegehi kita si ngogesa gelah tuhu-tuhu tek kita lit kap tan Tuhan si mpekeke kita adina enggo ndabuh kita.

*Kunci berhasil untuk bangkit adalah menyadari bahwa kita sedang tergeletak.* Sedar kita paksana kita kote. Emaka alu pertoton i je me kita ipegegehi Dibata guna mulihi semangat dengen ngasup ndalani kegeluhenta enda bagi si ni arapken Dibata.